



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400; 726 413
fax. +387 33 726 423
e – mail: info@voda.ba

Broj: **UP-1/21-1-40-413-3/24**

Datum: **27.08.2024. godine**

«Agencija za vodno područje rijeke Save» Sarajevo rješavajući po službenom zahtjevu «Agencije za vodno područje rijeke Save» Sarajevo podnesenom putem „Sektora za upravljanje vodama” za izdavanje prethodne vodne saglasnosti za vađenje materijala iz korita rijeke Bosne, na lokalitetu Mlinište, koji se nalazi na prostoru Federacije BiH, općina Odžak, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, «Agenciji za vodno područje rijeke Save» Sarajevo podnesenom putem „Sektora za upravljanje vodama”, daje se prethodna vodna saglasnost u svrhu izrade Elaborata za vađenja materijala iz korita rijeke Bosne na lokalitetu Mlinište, koji obuhvata dio zemljišnih čestica označenih kao k.č. 600/22, 600/5, 600/9, 600/26, 600/20, 600/21, 600/7, 600/24, 600/10, 600/14, 600/15, 600/16 i 599/1 K.O. SP_Novo Selo u općini Odžak (označene po starom premjeru), koje se nalaze na prostoru Federacije BiH, općina Odžak.
2. Prethodna vodna saglasnost prestaje da važi ukoliko u roku od tri godine, od dana izdavanja ovog rješenja, ne bude podnesen zahtjev za izdavanje vodne saglasnosti.
3. Rješenje o prethodnoj vodnoj saglasnosti broj: UP-1/21-1-40-413-3/24 izdato 04.07.2024. godine se donošenjem ovog rješenja stavlja van snage.
4. Prethodna vodna saglasnost se daje na osnovu pregleda dokumentacije dostavljene uz zahtjev i uz zadovoljenje slijedećih uslova:
 - 4.1. Za namjeravano vađenje materijala iz korita rijeke Bosne, na lokalitetu Mlinište potrebno je pripremiti dokumentaciju – Elaborat vađenja materijala koji će sadržavati:
 - geodetska snimanja (ne starije od tri mjeseca) situacije i poprečnih profila riječnog korita (na rastojanju do 50,00 m) i uzdužne profile 1:100 ili detaljnije, koja se izvođe preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja,
 - izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri,
 - geometrijske karakteristike korita (širina, dubina, osovina i sl.), njegov položaj i veličinu treba usaglasiti sa rješenjima datim u „Idejnom projektu uređenja toka Bosne od ušća do Modriče, km 0+000 – km 25+150”, „Zavod za vodoprivredu Bijeljina”, juli 2010. godine,
 - tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remete prirodni procesi, ne remeti prirodna ravnoteža ekosistema ili ne pospiješi štetno djelovanje voda,
 - dinamika vađenja materijala,
 - bilans masa materijala,
 - definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu,
 - na osnovu podataka iz katastarskog plana, na preglednoj situaciji obilježiti međuentitetsku liniju i granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala,
 - međuentitetsku liniju koja prolazi ovim lokalitetom potrebno je prilikom izrade elaborata definisati na način i prema procedurama propisanim zakonodavstvom iz ove oblasti,
 - deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra,

- mogući uticaj na izvoriste pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova,
 - pregled postojećih korisnika vode sa vodotoka,
 - ocjena mogućnost nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.
- 4.2. Dinamika vađenja materijala treba da se usaglasi sa ribolovnim društvima iz Odžaka, odnosno korisnikom ribolovnog prava na ovom ribolovnom području, vodeći računa o periodu mriještenja plemenite ribe.
- 4.3. Izvođač radova dužan je riješiti imovinsko pravne odnose sa vlasnikom zemljišta za pristup lokalitetu vađenja materijala, kao i lokaliteta za odlaganje izvađenog materijala, a prije vađenja materijala iz vodotoka, odnosno obezbijediti saglasnost organa nadležnog za održavanje saobraćajnica, za dionice koje će se koristiti prilikom izvođenja ovih aktivnosti.
5. Prije podnošenja zahtjeva za izdavanje vodne saglasnosti izvođač radova, sa kojim se sklopi Ugovor o izvođenju predmetnih radova, dužan je izraditi elaborat za vađenje materijala iz vodotoka. Elaborat za vađenje materijala iz vodotoka treba biti urađen od strane ovlaštenog pravnog lica, (lista „A“) shodno Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08), te u skladu sa uslovima datim u dispozitivu ovog rješenja.
6. Uz zahtjev za izdavanje vodne saglasnosti, treba dostaviti sljedeću dokumentaciju:
- Elaborat izrađen u skladu sa uslovima iz dispozitiva ovog rješenja,
 - Ugovor o izvođenju predmetnih radova potpisan sa Agencijom za vodno područje rijeke Save, Sarajevo,
 - Dokaz o izvršenoj uplati upravne takse u iznosu od 60 KM,
 - Ovjerena kopija rješenja o upisu u sudski registar i identifikacioni broj,
 - Saglasnost udruženja sportskih ribolovaca iz Odžaka na vađenje materijala iz korita rijeke Bosne, na lokalitetu "Mlinište" u periodu definiranom dodijeljenim ugovorom,
 - Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je o istim obavijestiti ovu Agenciju (ugovornog organa), a u zahtjevu za izdavanje vodne saglasnosti navesti te okolnosti.

Obrazloženje

Podnosioc zahtjeva, «Agencija za vodno područje rijeke Save» Sarajevo putem "Sektor za upravljanje vodama", je dostavio zahtjev dana 19.08.2022. godine za izdavanje prethodne vodne saglasnosti za vađenje materijala iz korita rijeke Bosne, kao jedne od mjera za sprečavanje štetnog djelovanja voda na lokalitetu Mlinište, koji obuhvata dio zemljišnih čestica označenih kao k.č. 600/22, 600/5, 600/9, 600/26, 600/20, 600/21, 600/7, 600/24, 600/10, 600/14, 600/15, 600/16 i 599/1 K.O. SP_Novo Selo u općini Odžak (označene po starom premjeru), koje se nalaze na prostoru Federacije BiH, općina Odžak.

Uz zahtjev je dostavljena sljedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,
- Kopija „Zapisnika komisije sa uviđaja na licu mjesta u vezi rješavanja problematike vađenja materijala iz vodotoka rijeke Bosne na lokalitetu Mlinište, općina Odžak, od 14.08.2024. godine,
- Odluka broj 10-591-5/24 od 16.08.2024. godine kojom se stavlja van snage odluka 10-591-3/24 od 04.06.2024. godine,

- Odluka broj 10-591-6/24 od 16.08.2024. godine o utvrđivanju potrebe za vađenje materijala iz vodotoka Bosne, donesen od strane AVP Sava na temelju ponovno izvršenog uviđaja na lokalitetu Mlinište,
- Kopija ZK izvotka za K.O. SP_Novo Selo, broj: 025-0-NAR-18-000 376, ZK uložak broj: 340, izdato od Zemljišnoknjižnog ureda Općinskog suda u Orašju 05.07.2018. godine, sa podacima za parcele 600/22, 600/5, 600/9, 600/26, 600/20, 600/21, 600/7, 600/24, 600/10, 600/14, 600/15, 600/16 i 599/1 K.O. SP_Novo Selo u općini Odžak (označene po starom premjeru), na kojima su planirani radovi vađenja materijala,
- Kopija ZK izvotka za K.O. SP_Novo Selo, ZK uložak broj: 6, Zemljišnoknjižni ureda Općinskog suda u Orašju, 22.04.2019. godine (neslužbena kopija), sa podacima za parcelu 600/22 K.O. SP_Novo Selo u općini Odžak (označene po starom premjeru), na kojoj su planirani radovi vađenja materijala,
- Kopija ZK izvotka za K.O. Novo Selo, broj: 025-0-NAR-22-000 568, ZK uložak broj: 710, izdato od Zemljišnoknjižnog ureda Općinskog suda u Orašju 05.07.2018. godine, sa podacima za parcelu 3492.

Nakon izvršenog uvida u zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 21.08.2024. obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

U cilju utvrđivanja činjeničnog stanja, odnosno stanja riječnog korita i obala na predmetnoj dionici rijeke Bosne u FBiH je aktom broj: 01-591-1/24 od 24.05.2024. godine od strane AVP „Sava“ formirana Komisija za utvrđivanje potrebe za vađenjem materijala iz donjeg toka korita rijeke Bosne. Nakon uviđaja na terenu obavljenog dana 27.05.2024. godine, Komisija je 03.06.2024. godine sačinila „Zapisnik komisije sa uviđaja na licu mjesta u vezi rješavanja problematike vađenja materijala iz donjeg toka rijeke Bosne, u FBiH“, u okviru koga je dato stručno mišljenje i priložena foto dokumentacija sa opisom stanja na terenu i stručnim mišljenjem za dalje postupanje. U stručnom mišljenju je konstatovano da na lokalitetu Mlinište treba pokrenuti postupak za uklanjanje predmetnog materijala iz korita rijeke Bosne provodeći proceduru propisanu odredbama Pravilnika o sadržaju, obliku, uslovima, načinu izdavanja i čuvanja vodnih akata i Uredbom o načinu dodjele prava na vađenje materijala iz vodotoka («Službene novine Federacije BiH», broj 58/15). U skladu sa navedenim doneseno je rješenje o prethodnoj vodnoj saglasnosti broj: UP-1/21-1-40-413-3/24 04.07.2024. godine.

Dana 13.08.2024. godine Komisija je izvršila ponovni obilazak predmetnog lokaliteta, jer se prvobitnim obilaskom nije mogla izvršiti adekvatna procjena, zbog visokog vodostaja rijeke Bosne. Komisija je 14.08.2024. godine sačinila novi „Zapisnik komisije sa uviđaja na licu mjesta u vezi rješavanja problematike vađenja materijala iz donjeg toka rijeke Bosne, u FBiH“, u okviru koga je dato stručno mišljenje i priložena foto dokumentacija sa opisom stanja na terenu i stručnim mišljenjem za dalje postupanje.

Nakon što su utvrđena vlasnička prava na predmetnim zemljišnim česticama sprudišta Mlinište i izvršena identifikacija na kojim parcelama je moguće provesti predmetni postupak, procijenjena je količina materijala koju je potrebno izvaditi od cca 130000 m³.

Na osnovu ponovljenog uviđaja na lokalitetu Mlinište, sačinjenog Zapisnika, stručnog mišljenja i foto dokumentacije, donesena je od strane AVP Sava odluka o utvrđivanju potrebe za vađenja materijala iz vodotoka broj: 10-591-6/24 od 16.08.2024. godine, čime su se stekli uslovi za pokretanje upravnog postupka po službenoj dužnosti, a sve prema odredbama člana 6. Uredbe o načinu dodjele prava na vađenje materijala iz vodotoka.

Nakon utvrđivanja novih naprijed navedenih činjenica, ranije doneseno Rješenje o prethodnoj vodnoj saglasnosti broj: UP-1/21-1-40-413-3/24 izdato 04.07.2024. godine se stavlja van snage a isto se odnosi na dio predmetnog obuhvata (k.č. 600/7, 600/10 i 600/24 K.O. SP_Novo Selo).

Na osnovu priložene dokumentacije u kojoj je utvrđena potreba za vađenjem materijala iz korita rijeke Bosne na lokalitetu Mlinište, općina Odžak, u procijenjenoj količini od 130000 m³, a u dispozitivu ovog rješenja su utvrđeni uvjeti kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za vađenje materijala, sve u skladu sa članom 111. stav (1) Zakona o vodama, članom 5. stav (3) i (4) i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obradivač akta

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- AVP Sava – Sektor 10
- ⊙ AVP Sava, ISV-vodna knjiga – ovdje
- Arhiva – ovdje
- AVP Sava – Oglasna ploča